

Tengku Abdullah dianggerahkan Ijazah Kehormat Doktor Pengurusan UMP

Pengiktirafan buat ayahanda, bonda

Oleh GHAZALI ALIAS

KUANTAN – Peman-

gku Raja Pahang Tengku Abdullah Sultan Ahmad Shah di-

anugerahkan Ijazah Kehormat Doktor Pengurusan daripada Universiti Malaysia Pahang (UMP) sempena Majlis Konvokeyan Ke-12 di sini semalam.

Baginda yang juga Canselor UMP menerima anugerah berkenaan yang disampaikan Naib Canselor UMP, Profesor Datuk Dr. Daing Nasir Ibrahim sebagai tanda penghargaan dan pengiktirafan terhadap ketokohan,

kewibawaan serta kepimpinan baginda dalam pelbagai lapangan.

Baginda merupakan antara 2,845 graduan yang menerima ijazah dan diploma masing-masing pada majlis yang berlangsung tiga hari berakhir Isnin ini.

Tengku Abdullah bertitah, penganugerahan berkenaan memberi makna yang cukup besar dan ia diterima dengan penuh rasa rendah hati serta kesyukuran sebagai hamba Allah.

"Setelah 11 tahun menggalas tugas sebagai Canselor, pengiktirafan ini bukanlah untuk diri saya seorang tetapi buat selu-



TENGKU ABDULLAH (kiri) menerima Ijazah Kehormat Doktor Pengurusan daripada Dr. Daing Nasir selaku Naib Canselor UMP pada Majlis Konvokeyan UMP semalam.

ruh ahli keluarga termasuk ayahanda, Sultan Pahang, Sultan Ahmad Shah dan bonda, Almarhumah Tengku Ampuan Afzan. "Pengiktirafan ini mem-

berikan suntikan semangat untuk saya terus istiqamah menuaikan amanat yang diberikan oleh ayahanda sebagai Peman-

gku Raja Pahang di samping tanggungjawab sebagai Canselor UMP," titah baginda ketika berucap pada Majlis Konvokeyan di Kompleks Sultan UMP di sini semalam.

Baginda menambah, graduan yang bergelar siswazah harus mencegalkan penghayaan nilai-nilai murni bukan sahaja dalam kehidupan peribadi tetapi dalam pelaksanaan tanggungjawab profesional di tempat kerja.

Titahnya, jika ia tidak dihayati sepenuhnya, seorang individu akan berisiko terlibat dalam pe-

nyelewengan, salah guna kuasa, rasuah dan lain-lain bentuk jenayah kolar putih.

Sementara itu, baginda turut menyarankan kepimpinan UMP untuk terus memberi tumpuan terhadap pelbagai insiatif melalui kerangka Pelan Strategik UMP 2016-2020.

Titahnya, pelan berkenaan tidak hanya memberi fokus kecemerlangan universiti semata-mata tetapi turut memberi memberikan perhatian terhadap sumbangsih kepada rakyat jelata.

"Hal ini menuntut penglibatan warga kerja dan mahasiswa daripada pelbagai lapisan untuk turun padang ke lapangan masyarakat menggalas tanggungjawab sosial," titah Tengku Abdullah.



Universiti
Malaysia
PAHANG